

ՀԱՆՐԱՊԵՏԱԿԱՆ ԱՌԱՐԿԱՅԱԿԱՆ ՕԼԻՄՊԻԱԴԱ  
ՀԱՅ ԳՐԱԿԱՆՈՒԹՅՈՒՆ  
ՄԱՐԶԱՅԻՆ ՓՈՒԼԻ ՀԱՐՑԱՇԱՐԻ ՊԱՏԱՍԽԱՆՆԵՐ  
11-ՐԴ ՂԱՍԱՐԱՆԻ ՀԱՄԱՐ

1. Պատմական  $n^{\circ}$  իրադարձության ժամանակ զոհված մարտիկները և նրանց առաջնորդը դասվեցին Հայ Առաքելական եկեղեցու սրբերի շարքը:

Գրականության մեջ նշի՛ր առնվազն 1 գրողի ստեղծագործություն՝ նվիրված նրանց:

Քանդակագործության մեջ  $n^{\circ}$  է ստեղծել այդ հրամանատարի մոնումենտալ կերպարը և որտե՞ղ է այն գտնվում:

Գեղանկարչության մեջ  $n^{\circ}$  է այդ թեմայով կտավի հեղինակը /առնվ. 1/:

(3)

**Պատասխան-** Ավարայրի ճակատամարտի ժամանակ նահատակված զինվորները և նրանց հրամանատարը՝ Վարդան Մամիկոնյանը, դասվեցին մեր եկեղեցու Սրբերի շարքը: Դ. Դեմիրճյանը գրել է <<Վարդանանք>> պատմավեպը, Երվանդ Քոչարը քանդակել է Վ. Մամիկոնյանի արձանը, այն գտնվում է Երևանում, Գրիգոր Խանջյանը կերտել է <<Վարդանանք>> մեծածավալ աշխատանքը:

2. «Թեֆարի՞կ, ուսկի՞ց գտավ թեֆարիկը»...

Ի՞նչ է «թեֆարիկը», ինչպե՞ս այն դարձավ հերոսուհու ճակատագիրը որոշողը:

(1,5)

**Պատասխան - «օձանելիք»**

Միրած երիտասարդին հաճոյանալու համար օգտագործված օձանելիքը տհաճ վերաբերմունքի է արժանանում: Ողջ գիշեր ամեն կերպ մարմինը այդ բույրից մաքրելու արդյունքում հերոսուհին թոքախտով հիվանդանում է, ապա՝ մահանում:

3.Մ. Մեծատուրյան, Սիրանույշ Պերպերյան, Մ. Կ. Մ., Շավասպ Ծիածան, Հրայրյա, Սուրեն Համագասպ – հայ գրողներից  $n^{\circ}$  էր մամուլում հանդես գալիս այս գրական կեղծանուններով:

(1)

**Պատասխան – Միսաք Մեծարենց**

4. Ինչպես գիտենք, Հայաստանում հելլենական մշակույթի տարածումից հետո հունական և հայկական դիցարանների աստվածները համադրվել են. Արամազդը նույնացվել է Ջնսին, Անահիտը՝ ..., Միհրը՝ ..., Վահագնը՝ ..., Աստղիկը՝ .....

Հայկական  $n^{\circ}$  առասպելներն են պարունակում դիցաբանական տարրեր: Թվի՛ր առնվազն երեքը:

(3)

**Պատասխան** - Անահիտը՝ Արտեմիսին, Միհրը՝ Հեփեստոսին, Վահագնը՝ Հերակլեսին (նաև Ապոլոնին), Աստղիկը՝ Աֆրոդիտեին:

Դիցաբանական տարրեր են պարունակում «Տիգրան և Աժդահակ», «Արտաշես և Արտավազդ» հայկական առասպելները, «Մասնա ծոեր» էպոսը և այլ քանահյուսական պատումներ:

5. Այստեղ միշտ քեֆ ու հանդես է.

Կեցցե՜ <<մեր.....>>:

Ա՜խ, շեն է տունն այս, շե՛ն է,

Բայց ափսոս չըկա Աշխենը:

Անպակաս այս տան վարդը-

Ծաղկի՜ մեր քնքուշ Նվարդը:

Այս տունը միշտ անուշ է.

Այստեղ է անուշ Անուշը:

Եվ ինչպես մարդիկ չարբեն,

Քանի այստեղ է Արփին...

Լրացրու առաջին տան բաց թողած բառը: Ի՞նչ հնարք է գործածել Տերյանը իր այս քանաստեղծության մեջ: Ովքե՞ր են նշված կանայք:

(2)

**Պատասխան**- Տերյանը գրել է <<Օհաննես>>: Պատասխանը ճիշտ կհամարվի նաև՝ Հովհաննես, Հովհաննես Թումանյան, Թումանյան տարբերակների դեպքում: Տերյանը կիրառել է բաղաձայնայնության /ալիտերացիա/, ինչպես նաև **բառախաղի** հնարքը: Նշված կանայք Հովհ. Թումանյանի դուստրերն են:

6. Ինչո՞ւ Վարուժանը հայացքը սևեռեց հեթանոս անցյալին:

(1,5)

**Պատասխան-** Ներկա ծանր իրականության և փառավոր անցյալի խիստ հակադրության փաստն էր պատճառը, որ Վարուժանը և ժամանակի այլ գրողներ /Միամանթո, Չարենց, Թեքեյան, Շանթ.../ դիմեցին հեթանոս անցյալին՝ ներկային և ապագային ուժի ու գեղեցկության պաշտամունքի դիրքերից նայելու համար: Ընդհանրապես 20-րդ դարի սկզբում գրականության մեջ միտում կար նորդասականապաշտության ուղղության հիմնադրմանը, որն ըստ Վարուժանի՝ «անցյալապաշտության» հաղթանակն էր «ապագայապաշտության» նկատմամբ:

7. Նշված խնդիրներից ո՞րը գեղարվեստորեն չի կերպավորվել Ա. Բակունցի «Ալպիական մանուշակ» պատմվածքում.

ա/կյանքի բանաստեղծական ընկալում

բ/կյանքի հոգսերի մեջ կորած և շրջապատի կողմից անտեսված գեղեցկություն

գ/մթնաձորյան բնորոշ իրականություն

դ/կորսված հայրենիքի ողբերգություն

(1)

**Պատասխան-** դ/կորսված հայրենիքի ողբերգություն

8. -Ես եմ լավը և քեզանից էլ բարձր:

-Ես քեզանից և՛ լավն եմ, և՛ ավելի մեծ ու բարձր:

Երկու քույրերի վեճը փորձում է հարթել երրորդ կողմը, բայց՝ ապարդյուն, որից հետո անիծում է նրանց, որ իրարից հեռանան և երբեք չհանդիպեն:

Ո՞ր լեռների միջև է երկխոսությունը, ո՞րն է այս ավանդության մեջ 3-րդ կողմը, ինչպե՞ս է լուծվում այս վեճը:

(3)

**Պատասխան-** Երկու քրոջ՝ Արագածի ու Մասիսի վեճն է: Մարութա լեռը փորձում է հաշտեցնել, բայց ապարդյուն: Անիծում է, որ նրանք իրարից հեռանան և երբեք չհանդիպեն: Քույրերից մեկը մյուսին անիծում է, որ

արցունքները չպակասեն աչքերից, իսկ մյուսը, որ մարդիկ նրա կատարը չբարձրանան և մատաղ չանեն: Այդպես էլ լինում է:

9. Մարթա, Թորոս, Սաքուլ, Նատո, Ասատուր, Յագոր, Անան, Հոռոմսիմ, նախշքար Դավիթ, Մայի, Արտեմ, Մայան....

Ի՞նչ <<հասցե>> է միավորում այս հերոսներին: Ո՞վ է հեղինակը:

(1,5)

Պատասխան-«Հասցեն» Նար-Դոսի «Մեր թաղն» է:

10. Քո գարունները կբացվեն նորից,

Քո լավ օրերը ետ կգան նորից,

Զմռանից հետո, դժոխքից հետո,

Կվերընձյուղվի կենաց ծառը քո –

Քեզ համար, Հայաստան:

Գալիք օրերդ նորից կերգեն,

Զավակներդ ամուր տուն կկառուցեն,

Մարսափից հետո ու վախից հետո,

Աստված կբուժի լկված հողը քո –

Քեզ համար, Հայաստան:

Ամբողջ աշխարհը ոտքի է ելել,

Ամբողջ աշխարհը քեզ հետ է հիմա,

Եվ քեզ համար է, մոռացված իմ ազգ,

Արար աշխարհը իր սիրտը բացել,

Ու քեզ է մեկնել ձեռքերը ահա:

Հատվածը Շառլ Ազնավուրի <<Քեզ համար, Հայաստան>> բանաստեղծությունից է:

Ստեղծման ի՞նչ հիմք ունի այս բանաստեղծությունը:

(2,5)

Պատասխան -Այս բանաստեղծությունը, որ երգի վերածվեց և կատարվեց էստրադայի համաշխարհային աստղերի կողմից, գրվել է 1988թ. Սպիտակի ավերիչ երկրաշարժի տպավորություններից: